

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 27.02.2020թ. թիվ 2010893847 որոշումն անփոփոխ, իսկ վարչական բողոքն առանց բավարարման թողնելու մասին

<<23>> 03 2020թ. 7-13 3345

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Համլետ Բաղդասարյանի ՄԴ/12851-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Վայոց Ձորի մարզի Ջերմուկ քաղաքի Մյասնիկյան փողոցի 16-րդ շենքի 7-րդ բնակարանի բնակիչ Համլետ Բաղդասարյանը դիմումով խնդրել է վերանայել վարչական տույժ նշանակելու մասին թիվ 2010893847 որոշումը՝ նշելով, որ իրավախախտումը կատարել է առջևում խոչընդոտ լինելու հետևանքով:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի **251-րդ հոդվածով նախատեսված ապացույցները**:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 18-րդ մասի համաձայն՝ արգելվում է տրանսպորտային միջոցների վարորդների կողմից հանդիպակաց երթևեկության գոտի դուրս գալը, եթե դա կապված չէ վազանցը թույլատրված տեղերում վազանց կատարելու կամ կանգնած տրանսպորտային միջոցը կամ խոչընդոտը շրջանցելու հետ և եթե առանց հանդիպակաց երթևեկության գոտի դուրս գալու անհնար է շրջանցել կանգնած տրանսպորտային միջոցը կամ խոչընդոտը:

Իրավախախտման PIN անհատական ծածկագրի տակ գետեղված տեսանյութի դրվագային ուսումնասիրմամբ պարզվել է, որ դիմումատուի կողմից վարած տրանսպորտային միջոցը

11.02.2020թ. ժամը՝ 09:47-ին Երևան քաղաքի Աճառյան-Բաբաջանյան փողոցների խաչմերուկի հատվածում մասնավորապես Բաբաջանյան փողոցում դուրս է եկել հանդիպակաց երթևեկել գոտի:

Ինչ վերաբերվում է դիմումատուի պնդմանը, թե իրավախախտումը կատարել է ստիպված խոչընդոտի պատճառով, ապա այն արժանահավատ համարել հնարավոր չէ, քանի որ տեսանյութում համընթաց ուղղությամբ երթևեկող մյուս երթևեկության մասնակիցները շարունակում են երթևեկել չհատելով 1.3՝ հոծ գիծ հորիզոնական գծանշումը:

Վարույթի ընթացքում ապացուցված է համարվում այն փաստը, որ դիմումատուն հնարավորություն է ունեցել երթևեկել առանց ճանապարհային երթևեկության կանոնների խախտում թույլ տալու, սակայն չի կատարել դա, հատել է 1.3 հանդիպակաց հոսքերն իրարից բաժանող գծանշումը, ինչի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 124-րդ հոդվածի 18-րդ մասով:

Այսպիսով, հիմնավորվել է, որ Ճանապարհային ոստիկանության վարչական տույժ նշանակելու մասին թիվ 2010893847 որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1.Ճանապարհային ոստիկանության վարչական տույժ նշանակելու մասին 27.02.2020թ. թիվ 2010893847 որոշումը թողնել անփոփոխ, իսկ վարչական բողոքն առանց բավարարման:

2.Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3.Սույն որոշման օրինակն ուղարկել Համլետ Բաղդասարյանին:



Ե.Կարապետյան